

JASMIN DUVNJAK

ANER ŽULJEVIĆ

Delegati u Domu naroda
Parlamenta Federacije Bosne i Hercegovine

Sarajevo, 29.12.2021.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilijeno: 29-12-2021			
Org. jed.	Broj	Priloga	Vrijednost
02 -	02 -	2507	/21


PARLAMENT FEDERACIJE
BOSNE I HERCEGOVINE
DOM NARODA
n/r gđin Tomislav Martinović, predsjedavajući

PREDMET: NACRT ZAKONA O POSEBNOM REGISTRU LICA PRAVOSNAŽNO OSUĐENIH ZA KRIVIČNA DJELA PROTIV SPOLNE SLOBODE I MORALA PREMA DJECI I MALOLJETNICIMA U FEDERACIJI BOSNE I HERCEGOVINE - dostavlja se


Na osnovu člana 155. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), kao ovlašteni predlagači, podnosimo radi razmatranja i usvajanja, **NACRT ZAKONA O POSEBNOM REGISTRU LICA PRAVOSNAŽNO OSUĐENIH ZA KRIVIČNA DJELA PROTIV SPOLNE SLOBODE I MORALA PREMA DJECI I MALOLJETNICIMA U FEDERACIJI BOSNE I HERCEGOVINE.**

Delegati

Jasmin Duvnjak



Aner Žuljević



BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA

NACRT

ZAKON
O POSEBNOM REGISTRU LICA PRAVOSNAŽNO OSUĐENIH ZA KRIVIČNA
DJELA PROTIV SPOLNE SLOBODE I MORALA PREMA DJECI I
MALOLJETNICIMA U FEDERACIJI BOSNE I HERCEGOVINE

Sarajevo, decembar 2021. godine

**ZAKON O POSEBNOM REGISTRU LICA PRAVOSNAŽNO OSUĐENIH ZA
KRIVIČNA DJELA PROTIV SPOLNE SLOBODE I MORALA PREMA DJECI I
MALOLJETNICIMA U FEDERACIJI BOSNE I HERCEGOVINE**

I- OPĆE ODREDBE

**Član 1.
(Opće odredbe)**

(1) Ovim zakonom uređuje se vođenje posebnog Registra lica pravosnažno osuđenih za krivična djela protiv spolne slobode i morala prema djeci i maloljetnicima u Federaciji Bosne i Hercegovine (u daljem tekstu: Registar), i određuju posebne mjere koje se sprovode prema licima pravosnažno osuđenim za ta krivična djela.

(2) Svrha donošenja Zakona je osiguravanje zaštite djece i maloljetnika od krivičnih djela protiv spolne slobode i morala, te sprečavanje lica pravosnažno osuđenih za ta krivična djela da ponovo izvrše isto ili slično krivično djelo.

II- PODRUČJE PRIMJENE ZAKONA

Član 2.

(1) U Registar se upisuju lica pravosnažno osuđena za sljedeća krivična djela prema djeci ili maloljetnicima u Federaciji Bosne i Hercegovine:

- 1) silovanje;
- 2) spolni odnošaj s nemoćnom osobom;
- 3) spolni odnošaj zloupotrebom položaja;
- 4) prinuda na spolni odnošaj;
- 5) spolni odnošaj s djetetom;
- 6) bludne radnje;
- 7) zadovoljenje pohote pred djetetom ili maloljetnikom;
- 8) navođenje na prostituciju;
- 9) iskorištavanje djeteta ili maloljetnika radi pornografije;
- 10) upoznavanje djeteta s pornografijom;
- 11) rodoskrvnuće

III- UVOĐENJE REGISTRA

**Član 3.
(Poseban Registar)**

(1) U Federaciji Bosne i Hercegovine vodi se poseban registar lica pravosnažno osuđenih za krivična djela iz člana 2. ovog zakona.

(2) U Registar se upisuju podaci o osuđenom, i to:

- 1) prezime i ime,
- 2) mjesto, grad, odnosno općina i država rođenja,
- 3) jedinstveni matični broj,
- 4) državljanstvo,
- 5) prebivalište, odnosno boravište
- 6) vrsta kazne i sigurnosna mjera sa naznačenjem u kojem trajanju je izrečena,
- 7) podaci o pravnim posljedicama osude,
- 8) podaci o zaposlenju,
- 9) podaci značajni za fizičko prepoznavanje osuđenog i njegove fotografije,
- 10) podaci o sprovođenju posebnih mjera propisanih ovim zakonom.

(3) Podaci iz stava 1. ovog člana predstavljaju tajni podatak.

Član 4. (Vođenje Registra)

(1) Registar vodi nadležna organizaciona jedinica federalnog Ministarstva unutrašnjih poslova.

(2) Upis podataka u Registar vrši se na osnovu podataka iz pravosnažno izrečenih presuda za krivična djela iz člana 2. ovog zakona.

(3) Podatke iz stava 1. ovog člana, Ministarstvu unutrašnjih poslova dostavljaju sudovi, osim u slučaju kada je riječ o pravosnažnim presudama koje su već upisane u kaznenu evidenciju.

(4) Podatke o stupanju na izdržavanje kazne, kao i datumu otpuštanja sa izdržavanja kazne, organu nadležnom za vođenje Registra dostavlja kazneno-popravna ustanova u kojoj osuđeni izdržava kaznu zatvora.

(5) Podaci iz Registra vode se trajno i ne brišu se.

(6) Federalni ministar pravde bliže uređuje način vođenja Registra.

III.DOSTAVLJANJE PODATAKA IZ REGISTRA

Član 5.

Podaci iz Registra mogu se dati sudu, tužilaštvu i organima unutrašnjih poslova u vezi